

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1909202304, 1909197072 որոշումներն անփոփոխ, իսկ գանգատն առանց բավարարման թողնելու մասին

<<16> 05 2019թ. 17-4-2354

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով <<ԺՈՒԼԺ>> ՍՊԸ տնօրեն Արտեմ Հակոբջանյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

<<ԺՈՒԼԺ>> ՍՊԸ տնօրեն Արտեմ Հակոբջանյանը 42146-19 դիմումով խնդրել է ճանապարհային ոստիկանության թիվ 1909202304, 1909197072 որոշումներով ամրագրված իրավախախտումները վերահասցեագրել Արմեն Համլետի Մկրտչյանին:

«Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Նյութերի ուսումնասիրության ընթացքում պարզվել է, որ <<ԺՈՒԼԺ>> ՍՊԸ տնօրեն Արտեմ Հակոբջանյանի կողմից ներկայացված ապացույցները չեն հիմնավորում թիվ 1909202304, 1909197072 որոշումներով ամրագրված իրավախախտումները Արմեն Համլետի Մկրտչյանի կողմից կատարված լինելու փաստը, քանի որ չի պահպանել վերոնշյալ իրավանորմով սահմանված պայմանները, մասնավորապես ներկայացված պայմանագիրը պատշաճ կարգով վավերացված չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1909202304, 1909197072 որոշումները թողնել անփոփոխ, իսկ գանգատն՝ առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակներն ուղարկել <<ԺՈՒԼԺ>> ՍՊԸ տնօրեն Արտեմ Հակոբջանյանին (հասցեն՝ ք. Երևան, Լվովյան փ., զ. 29, բն. 3), Արմեն Համլետի Մկրտչյանին (հասցեն՝ Սյունիքի մարզ, Բոնակոթ) և ՏՄՀԽԱԼ կենտրոն:

Ե.Կարապետյան